

Glenda Margareta di AVP

Fontein Kleuterschool ta fundeshi pa futuro di nos Pais

ORANJESTAD (AAN): Futuro di un pais ta su yiu chiki-

tonan. Pesey mester tin lugarnan adecuado caminda e

yiù chikitanan aki por haya nan promer preparacionnan pa drenta den e mundo di enseñanza.

Pesey mi kier felicita gobierno pa e apertura di "Fontein Kleuterschool" den bario di Fontein na San Nicolas.

Un kleuterschool moderno cu ta cumpli cu tur locual ta necesario pa nos chikitinnan sintinan den nan ambiente di mucha.

Pero mes un momento nan ta

haya e preparacionnan necesario riba nan nivel pa nan entrada den enseñanza basico.

Mescos cu e cabezante di e school a bisa "Mi ta sumamente orguyoso cu e school aki", ami tambe ta sumamente orguyoso cu e school aki. Hopi kizas no ta realiza e importancia di un kleuterschool asina.

Kleuterschool su importancia mayor ta cu e ta duna guia na e chikitinnan door di profesionalnan den e disciplina aki.

Locual cu a yama mi atencion ta e presencia di Marisol Tromp na ceremonia di aper-

tura di Fontein Kleuterschool, aunque ta su derecho di ta presente.

Pero cu e a yama mi atencion ta pamotibo cu e proyectonnan aki ta cuminsa cu tratamiento di presupuesto.

Pues ora bo vota contra e presupuesto di enseñanza bo a vota tambe contra e proyectonnan aki, esta e.o. e Kleuterschool di Fontein.

Mi a tende ta declara cu e tabata presente pasobra e school ta un bon proyecto y unda tin bon proyecto e lo tye.

Wel nos ta contento cu Marisol tambe a cuminsa realiza cu locual e gobierno aki ta haci ta nan bienestar di e pueblo aki. Kleuterschool, school Basico, EPI, ta tiponan di enseñanza pa cua e gobierno aki a percura pa tin mas edificio escolar cu suficiente klas pa por brinda un bon enseñanza na nos yiunan. A tarda un tiki pero awe mi ta mira cu Marisol a cuminsa comprende kico e gobiernio aki ta haci manera e mes a bisa " E proyecto ta un bon proyecto"

Mi a sinti cu mayornan ta sumamente contento cu e Kleuterschool. Nan ta tur confia cu nan yiu ta keda den bon man mescos cu na otro school pero awo nan ta mas cerca di cas

TA BENDE



Sea-Doo Sportster
twin engine 1998

Afl. 29.500, =
Tel: 826747 / 935400

TELEFONNAN DI DIARIO
826747- FAX 828551